

Dados relata 17 Julu 2020

### SUMÁRIU

- OMS fornese tan test kitsba COVID-19 nian hamutuk 3250 ba Laboratóriu Nasional atu asegura teste sira atu kontinua sein para. Hosi Marsu to'o agora, OMS fornese ona test kits ba COVID-19 hamutuk 14250.
- OMS ho UNICEF fo alarme ba númeru labarik simu vasina ne'ebé bele salva moris ne'ebé monu. Ida ne'e akontese tambá korente distribuiaun ne'ebé hetan disrupta hosi pandemia COVID-19. Tuir dados foun hosi OMS no UNICEF, problema ida ne'e sei hamosu ameasa ba servisu maka'as progresu ne'ebé halo ona atu labarik no adolescente sira hotu bele hetan vasina ne hakiduk, ne'ebé antes ne'e hetan ona ameasa tambá tinan barak vasina labele to'o fatin hotu.  
Atu ajuda fila fali ba area kobertura imunizasaun nian ne'ebé ideal no hamenus vasina ba moras evitável, atividade husi Ministeriu Saúde atu duni tuir imunizasaun ba polio nian sei la'o hela iha munisipiu hotu ho apoiu husi UNICEF no OMS.
- Atu mitiga inseguridade potencial ba hahan ba ema rihun ba rihun tambá COVID-19 pandemia no estadu emerjénsia no mós saláriu ne'ebé tun ba nasaun ida ne'ebé maioria populusaun agricultural, UNDP no mós Asia Development Bank suporta governu ho nia iniciativa atu distribui hahan. Doasaun husi ADB ho montante US\$ tokon 1 no US\$105,000 hosi UNDP sei fo dalan ba governu atu bele to'o ema hamutuk 25,000 iha area vulneravel sira hotu iha Dili, Baucau, Bobonaro, Covalima no Oecusse, ho hahan sira ne'ebé bele fo diak ba sira nia saúde no sira nia sistema imunolójiku ho hahan local sira ne'ebé balansiu.
- Vulnerabilidade ne'ebé aumenta ba ema ho moras naunkomunikavel (NCDs) ne'ebé bele hetan moras todan no mate tamba COVID-19 presiza atensaun no esforsu maka'as atu prevene, jestaun no kontrolu ba NCD sira. Pesoal saúde multidisiplinariu sira hamutuk nain 38 husi Sentru Saúde Hatolia, Ermera, atende orientasaun sorumutu kona ba ferementa no prosesu integradu no implementasaun ba atualizasaun kona ba paciente-sentradu ba Pakote Esensial ba Intervensaun Moras Naunkomunikavel ba atendimento primaria atu ajuda identifika no halo jestaun sedu ba NCD no fator risku sira.

### SITUASAUN IHA NÚMERU

Totál no kazu (foun) iha Timor-Leste

**24** konfirmadu (foun 0)

**0** mate

(Bazeia ba dados ne'ebé pública iha [Ministerio da Saúde](#))

Tuir pájina WHO Timor-Leste

[Facebook](#) no [Twitter](#) no [MS](#)

Ba informasaun klean liután no guia husi OMS kona-ba surtu atuál Moras Coronavirus – 2019 (COVID-19) bele asesu iha [ne'e](#).

### SITUASAUN GLOBÁL

Totál kazu (foun) iha oras 24 nia laran

#### Globalmente

**13 378 853** konfirmadu (**226 181**)

**580 045** mate (**5 579**)


### AVALIASAUN RISKU OMS

Nível Globál    Aas tebes



### Data notifikasaun kazu foun no kumulativu COVID-19 iha Timor-Leste


( 17-Jul-2020 : kazu foun-0 kumulativu-24 )



Source : Direcção Nacional Controlo de Doenças - Departamento Vigiância Epidemiologia

### Situasaun Nasional Kazu : COVID-19 Timor-Leste

(Kumulative figures)



Source : Direcção Nacional Controlo de Doenças - Departamento Vigiância Epidemiologia

## OMS TIMOR-LESTE NIA OBJETIVU ESTRATÉJIU

- Hapara transmisaun hosi ema-ba-ema inklui hamenus infesaun sekundáriu entre sira ne'ebé maka iha kontaktu besik no pesoál saúde sira, haforsa liután prevensaun transmisaun kazu;
- Haforsa Sistema vijilánsia no aumenta kapasidade laboratóriu hodi detekta kazu COVID-19;
- Garante katak halo tuir duni padraun ba infesaun prevensaun no kontrolu (IPC) ne'ebé rigorozu tebes no hasa'e kapasidade ba IPC nian;
- Identifika, izola no kuidadu ba paciente; inklui fornese mós kuidadu óptimu ba paciente ne'ebé infetadu;
- Halo sosialisasaun ba informasaun risku no eventu ba comunidade hotu-hotu no hakotu informasaun la loos liuhosi servisu hamutuk ho parseiru sira.
- Hamenus impaktu sosiál no ekonómiku liuhosi parseria multisetorál.

---

## REKOMENDASAUN NO KONSELLU BA PÚBLIKU

### Fase ita-nia liman beibeik

Fase ita-nia liman ho dezinfetante ka fase ho sabaun no bee

**Tanbasá?** Fase ita-nia liman ho sabaun no bee ka uza dezinfetante sei oho virus ne'ebé hela iha ita-nia liman.

### Mantein distánsia fíziku

Mantein distánsia fíziku pelumenus metru 1 (pasu 3) distánsia hosi ita nian a'an no ema seluk.

**Tanbasá?** Bainhira ema me'ar ka fani sira bele hada'et mós ho turuk-oan sai hosi sira-nia inus kaibun ne'ebé dalaruma kontamina ho virus. Se ita besik loos ema ne'e, ita bele dada iis tama fali turuk-oan ne'e, inklui ho virus COVID-19 karik ema ne'ebé me'ar infetadu hela.

### Evita ka'er ita nia matan, inus no ibun

**Tanbasá?** Ita-nia liman ka'er fatin barak no bele da'et virus ne'e. Bainhira kontaminadu ona, hosi liman bele transfere virus ba matan, inus ka ibun. Hosi ne'e, virus ne'e bele tama ba ita-nia isin no halo ita moras.

### Prátika Ijiene Respiratóriu

Tenki asegura ita-boot, no ema ne'ebé besik ita, atu halo tuir ijiene respiratóriu. Ida ne'e signifika katak taka ibun, no inus ho liman sikun ka uza tixu bainhira me'ar or fani. Depois soe kedas tixu ne'e ba lixu fatin.

**Tanbasá?** Pártikula hada'et virus. Halo tuir ijiene respiratóriu, ita-boot sei proteje ema ne'ebé besik ita hosi virus hanesan inus metin, flu no COVID-19.

### Se ita-boot isin-manas, me'ar no dada iis araska, buka lalais tratamentu

Hela iha uma bainhira moras. Se isin-manas, me'ar no dada iis araska, buka lalais tratamentu médiku no telefone uluk. Halo tuir instrusaun hosi autoridade saúde.

**Tanbasá?** Telefone antes sei permiti pesoál saúde sira atu bele direta ita-boot ba facilidade saúde ne'ebé loos. Ida ne'e sei ajuda proteje ita-boot no ajuda prevene hada'et virus no infesaun seluk.

### **Buka hatene informasaun no halo tuir konsellu ne'ebé pesoál saúde sira hatoo**

Buka hatene nafatin informasaun ba dezvoltimentu ikus kona-ba COVID-19. Halo tuir konsellu ne'ebé ita-boot nia pesoál saúde sira hatoo, husi autoridade saúde nasional no lokal, ka empregador kona-ba oinsá atu proteje ita-nia an no ho ema seluk husi COVID-19.

**Tanbasá?** Autoridade nasional no lokal sei iha informasaun atualizadu kona-ba karik COVID-19 da'et iha ita-nia área. Sira maka fatin di'ak liu atu hetan konsellu kona-ba saida mak ita tenki halo hodi proteje an.

Ba matadalan kona-ba medida preventiva seluk disponivel iha [ne'e](#).

---

### **Informasaun COVID-19 Information no kontaktu média:**

- Ministériu Saúde estabelese ona número *hotline* – 119 – ba COVID-19 ne'ebé maka ema hotu-hotu bele telephone hodi hetan informasaun relasiona ho COVID-19
  - Alende ne'e, [Pájjina Facebook MS](#) nian fornese atualizasaun loloos kona-ba dezvoltimentu COVID-19 iha rai laran
  - OMS Timor-Leste liuhosi nia [Pájjina Facebook](#) no [Twitter](#) mós disemina informasaun kona-ba medida preventive, pergunta no resposta, *myth-buster* no atualizasaun ikus kona-ba COVID-19 iha mundu tomak no iha rai laran. Ba media no pedidu ba entrevista bele manda ba [singhsho@who.int](mailto:singhsho@who.int) no [hasane@who.int](mailto:hasane@who.int)
-